

**FIFTH LEGISLATIVE ASSEMBLY OF MIZORAM  
( TENTH SESSION )**

**LIST OF BUSINESS**

**FOR EIGHTH SITTING ON THURSDAY, THE 22<sup>ND</sup> MARCH, 2007.**  
( Time 10:30 AM to 1:00 PM and 2:00 PM to 4:00 PM )

**PRESENT**

Speaker at Chair, Deputy Speaker, 9 Ministers and 17 Members were present.

**QUESTIONS**

1. **QUESTIONS** entered in separate list to be asked and oral answer given.

**LEGISLATIVE BUSINESS  
Bill for Introduction**

2. **PU ZORAMTHANGA** to beg leave of the House to introduce "The Mizoram Road Fund Bill, 2007"

**ALSO  
to introduce the Bill**

**FINANCIAL BUSINESS**

**DISCUSSION AND VOTING ON DEMANDS FOR GRANTS**

3. **Dr R. LALTHANGLIANA**, Minister to submit to the vote of the House various Demands under his charge.

4. **PU H. VANLALAUVA**, Minister to submit to the vote of the House various Demands under his charge.

**S P E A K E R** : “Tangka sum ngainat hi sual tinreng bul a ni si a. Chu chu thenkhatten an awt a, rinna chu an kal bosan a, anmahni leh anmahni lungngaihna tam takin an inchhun tlang ta chuk a. I Timothea 6:10

Zawhna kan la ang a, Starred Question 101-na zawt turin Member zahawm tak Pu Lalhmingthanga ilo sawm ang.

**PU LALHMINGTHANGA** : Pu Speaker, ka Starred Question 101-na, PHE changtu Minister zahawm takin min chhan atan kan zawt ang e. Lunglei khawpui tui supply - na saw Sethlun-ah Booster pump dah a Theiriyaat khaw vengsang te leh Polytechnic leh Hrangchalkawn leh Lungpuizawl khuate pek ve tumna a awm em ? tih kan zawt a ni.

**PU TAWNLUIA MINISTER** : Pu Speaker, Member zahawm tak Pu Hminga zawhna chhanna chu, Lunglei Water Supply atanga Theiriyaat leh khaw vengsang te leh Polytechnic leh Hrangchal-kawn, Lungpuizawl khua te tui pe ve tur hian ruahmanna siam a ni a. Hemi atan hian Estimate hi cheng nuai 400/- a ni a. Kum 2005 khan doner ah thehluh tawh a ni e.

**PU LALHMINGTHANGA** : Kan Minister min chhanna kha a lawmawm hle mai a. Lunglei khawpui tui supply Tlawng atanga lak chhoh a nih sawn Tlawng tui hrim hrim saw chuan a daih khawp mai a. Amaherawhchu. an harsat na tawh len berna erawh saw chu power supply avanga an pump tha hlei thei lo saw a ni thin a. Hemi va huamtel tur hian power supply improvement awm thei turin PHE leh power ministry pahnih hianin Lunglei khawpui power supply chungchang bikah sawn co-ordination te an neih a tul hlein ka hria a. Chu chu in nei thin em ? Lo la nei thinlo anih chuan neih theih a ni ang em ? Thlahnih emaw lai ka va cham a, tui a harsa a, tahchuan department ho te pawh kan be tawh a. Power supply an neih theih hun saw zan dar 1 dar 2 vel saw a ni a, PHE lam tan khan heta